



Fornyings- og administrasjons- og kirkedepartementet  
Kirkeavdelingen  
Postboks 8004 Dep.  
0030 OSLO

Journalnr: 155/12

Arkiv: 501

Vår ref.: AGJ

Dato: 01.11.2012

### Høyringsvar

#### Forslag til endringar i gravferdsforskriftene

Gol kyrkjeleg fellestråd takkar for høve til å gje svar på høyringa om nye gravferdsforskrifter og gir med dette tilbakemelding på skriv 12/1719.

Gol kyrkjeleg fellestråd handsama denne saka FR –sak 38/12 i møte 17.10.2012 og ynskjer å koma med følgjande uttale:

«Punkt som fellestrådet ikkje har gitt noko uttale på er i samsvar med kva fellestrådet tenkjer. Fellestrådet vil likevel påpeike at det er svært positivt at det blir stilt krav om organisk materiale i askeurner og ser også positivt på at jordoverdekninga er redusert til 0,8 m. Fellestrådet ser også positivt på at det kjem inn ei regulering på at det berre er levningar etter menneske som kan gravleggast på ein gravplass.

På følgjande punkt vil Gol kyrkjeleg fellestråd koma med ei uttale:

**Punkt 3.3: Bør det kunne dispenserast frå kravet om kiste ved gravlegging.**

Gol kyrkjeleg fellestråd meiner at fellestrådet kan gje dispensasjon for gravlegging utan kiste der dette er viktig i forhold til livssynet til avdøde. Det må vera mogleg for fellestrådet å stille krav til pårørande i slike tilfelle, blant anna om at pårørande sjølve må fylle att grava.

Det vil vera ein del praktiske spørsmål som ikkje er omtala i forskrifta og som bør avklarast om dette blir vedteke. Kva med transporten av den døde fram til grava- korleis skal dette skje og kven tek ansvar for det? Dersom kiste skal brukast då – kven tek vidare hand om kista og kven har det økonomiske ansvaret ved slike høve?

**Punkt 8: Gravlegging**

Då den nye gravferdslova vart vedteken i 2011, var fristen for gravlegging mykje diskutert. Forslaget var 14 dagar, men enda på 10 virkedagar etter at høyringa var over. Dersom laurdag ikkje skal telle med som virkedag, vil dette i praksis seia at fristen likevel er 14 dagar og signala frå sist høyring er då ikkje teke til følgje. Gol kyrkjeleg fellestråd meiner at laurdag må telle med som virkedag når ein set fristen for gravlegging.

Adresse:

Kyrjekontoret  
Gol Kommunchus  
3550 Gol

Telefon 32 02 90 00

Telefax 32 02 90 10

E-post: kyrkja@gol.kommune.no

Bankgiro: 2324 07 12296

Org. nr.: 979 173 784

Det er vidare foreslege at ein representant frå gravplassen som hovudregel skal vera til stade under kistegravlegging. Gol kyrkjeleg fellesråd meiner at ordet «hovudregel» bør strykast. Det vil seia at det alltid skal vera ein representant frå gravplassen til stade i slike høve. Denne representanten må ivareta tryggleiken og ha oversikt over gravplassen sjølv om pårørande sjølve fyller att grava.

**Punkt 10.2. Fundament.**

Det er foreslege at «*der hvor grunnforholdene tilsier det, skal det stilles krav om puksetting i same bredde som fundamentet*». Gol kyrkjeleg fellesråd meiner det uansett grunnforhold er ein fordel med puksetting og foreslår setninga endra til: «*Det blir stilt krav om puksetting i same breidde som fundamentet ved nedsetting av nye gravminne og endring av gamle gravminne*».

**Punkt 11.4. Gjenvinning av metallrester etter kremasjon**

I dei nye forskriftene er det foreslege gjenvinning av protesar og liknande som ikkje brenn opp ved ein kremasjon. Det er derimot ikkje sagt noko om alle metallrester som etter kvart vil bli grave opp på kyrkjegardane og som ikkje har forvittra. Dette vil vera materiale både etter nedgravne av slike gjenstandar etter kremasjon og ikkje minst i kistegraver. Gol kyrkjeleg fellesråd meiner at forskriftene også må innehalde eit punkt om korleis desse metallgjenstandane skal handsamast og eventuelt gjenvinnast på same måten som det er gjort ved kremasjon.»

Gol kyrkjeleg fellesråd

Anne Gerd Jorde  
kyrkjeverje